

Aunke cambionan den Statuut lo keda introduci PARLAMENTO HULANDES NO TA MUCHO CONTENTO CU STATUS APARTE

ORANJESTAD(AAN)—
For di e discursonan di e
diferente fraccionnan
durante e debate cu a
tuma lugar den Parlamento
Hulandes, a sali na cla cu
Hulanda no tin mucho
entusiasmo pa introduc-
cion di Status Aparte pa

Aruba.

Wijniet Jabaaij di Partij
van de Arbeid a bisa cu e
no por sconde cu e paso
aki ariba caminda di inde-
pendencia no semper a
wordo aplaudi pa su parti-
do den pasado.

Wiebinga di VVD a bisa

cu su fraccion ta haya cu
salimento di Aruba for di
constelacion Antillano no
ta e mihor posibilidad den
cuadro di e proceso di inde-
pendencia di Antillas.
Si tur isla sigui e caminda
aki, e desintegracion total
di Antillas lo ta e conse-

cuencia.

E Presidente di Staten
di Antillas a bisa sinembar-
go cu despues cu Aruba
haya su Status Aparte,
Curacao lo no tin remor-
dimento. Lo por yega na
un bon cooperacion den
futuro, segun Markes.

Betico Croes tabata
di opinion cu atravez di e
leynan cu tabata wordo
trata justicia a wordo haci
na e derecho di autodeter-
minacion di Aruba. E
tabata di opinion cu Hu-
landa den pasado hopi bez
a acerca e problema na un
forma poco abierto.

Den Parlamento
Hulandes ta existi duda
encuanto e seguridad judi-

cial na Aruba despues di e
separacion di Antillas.
Den esaki e asunto di un
Procurador General pa
Aruba ta hunga un papel.

E vocero di VVD, Wie-
binga a bisa cu su fraccion
ta preocupa cu e espacio
cu especialmente e Procu-
rador General di futuro
lo haya pa por yega na un
manejo di persecucion
legal. E posibilidad cu e
ta haya su mes bao di
presion di Ministro di
Justicia den un comuni-
dad asina chikito, ta gran-
di, especialmente den caso
cu Parlamento Arubano
conoce un mayoria abso-
luto.

CDA a pidi un aclaracion
completo di parti di
Gobierno pakico un Pro-
curador General di Aruba
lo no contene un peligro
pa e posicion legal ariba
e isla. Ademas e Gabine-
te Hulandes, entre kende-
nan Promer Ministro
Lubbers y de Koning di
Asuntonan Antillano,
mester duna Parlamento
informacion awe encuan-
to e situacion entorno di
polis na Aruba, comoque-
ra cu e falta di personal
cu por surgi tin preocupa-
cion di Hulanda.

PARLAMENTO HULANDES A CRITICA MONEDA PROPIO PA ARUBA


ORANJESTAD(AAN)—
Segun informenan for di
Hulanda, Parlamento Hu-
landes a lanza critica
severo contra e plannan
di Aruba pa introduci un
moneda propio y tambe
un compania propio di
aviacion.

Jabaaij di Partij van de
Arbeid a bisa cu su partido
ta considera e eleccion di
un moneda propio como
un experimento peligroso.

El a critica e forma cu
a pasa durante ultimo tem-
po ariba solucionnan pa
un independencia moneta-
rio pa Aruba.

Segun CDA y VVD
e mihor solucion pa Aruba
lo tabata, escoge pa Dollar
Americano.

RECONDITIONED CARS
Croesstraat No. 3
23747 - 24203



SUNNY '83 9000,-
FORD LTD '82 12000,-
120Y - 4 prt. '81 6000,-
LAUREL '81 9900,-
MITSUBISHI
PICK-UP '84 8500,-
SUNNY '82/4prt. 7800,-

SPECIAL
OF THE 280-C '83 14.500,-
WEEK AWOR 12.500,-

1 siman largu nos ta dunando
tur stul, kashi, tapeitnan i
kortina na mitar di e preis normal!*

Den nos boutique nos ta duna
deskuentonan di trintesinku (!)
porshento riba tur artikulo pa
regalu i kristal.*

Mesker Curaçao: Salinja 163
Mesker Aruba: Lacle Blvd. 21
Nassaustr. 85

Esun ku yega prome, ta bebe awa limpi!

* valido pa 1 siman, entrante 3 di yuni 1985